

定陶縣志

卷之首序

圖考

卷之一

封域

定陶縣志序

滇南雷侯治定陶之五年
政事振飭人民浹和循良
之譽徹於遐邇重念邑志
久未編葺乃集邑之紳士

序一

博採境內百年來文獻之
可傳者次第成帙以續前
志考邑志於順治十二年
趙侯脩輯之後世遠年湮
無踵事者固宜侯之亟圖

之也陶雖僻介一隅而
唐肇封重華側微曹伯啓
宇赤帝膺符孝哀龍潛
在茲土寔是古望都凡夫
蹟所乘照耀寰區者固有

序一

待於揚扆况

聖朝德化涵濡感被深渥名卿
懿士貞婦令媛代起不絕
益不可不表而章之以為
來者勸戾之此舉可謂

為政之本矣余向在史局
承

命纂續一統志得徧覽十五國
之紀載竊歎撰述之難志
為尤甚求如昔人之志新

序三

安志武功者百不一見迄
今十餘年一統志成書奉
明詔頒賜內外大臣而陶志增
脩適逢其會於此見舉事
之合宜雖其書未知視史

局諸料本何如要之一時
疆域之沿革版籍之登耗
可見其槩俾將來有所考
按則侯之嘉惠陶人豈斤
斤簿書之間者可及歟會

序四

志將授梓共事諸君子奉
侯命來徵言於予余族姓
散處于陶而陶有曹廛是
余亦邑人庇侯之治固不
可無一言以贊厥成也因

書其大端以復之

乾隆十八年春二月

賜博學鴻詞通籍通奉大夫

內閣學士兼禮部侍郎加

一級紀錄二次荷澤劉藻

續定陶縣志序

自來國有史所以載政治得失
之蹟郡縣有志所以紀風土人
物之詳一邑之志即一邑之史
也國不可一日無史縣詎可百
年無志乎粵稽陶志順治十二

年趙令重脩歷今百年其間疆
域形勢能盡依舊乎制度沿革
能無更易乎我朝

聖聖相傳漸仁摩義豈無碩德軼品之堪
式豈無完貞全節之堪揚豈無
藝林詞宗咏歌篇章之可傳志

誠不容一日緩也余丁卯冬
之茲土夙夜兢兢惟期庶民生
閔風化者是務檢閱舊志條分
縷晰考據精詳足備觀法但歷
時既久棗梨剝啄多至不可識
辨且百年来理亂盛衰嘉言懿

序二

行未及釐剔表彰一邑之大憾
事也衾影自慚屈指而計今且
五閱寒暑值邑紳士有續脩之
請余欣然曰是吾志也因詳請
各上憲概蒙允准然竊自懼存心宜
平勿假偏私操筆宜公勿叅意

見無阿所好而溢其美無刻所
忌而掩厥長先民有作踵而繼
之俾昔日搜討纂輯之功有所
紹述後來賢哲繼起之業罔致
湮夷志之續也詎易之哉續其
封域版圖具在何復贅也續其

三

建置沿革損益不沒其實也續
其田賦增減贏縮錙銖俱闕經
制續其職官與選舉炳炳燦星
垣濟濟見升造也續人物之振
拔流俗並閨閫之勁節苦志陶
唐氏之遺風至今存也續風物

淳澆災祥文人之舍其明
曾叔振鐸之流風餘韻依之若
前日事也爰捐俸首倡就館於
邑貢生潘其恪之舍延邑中老
成碩彥劉君珠張君紹謂等共
勸厥事若夫雕鏤刻畫矜尚浮

四

辭以為粉飾具文則非余之所
敢知也閱數月而成帙將付諸
梓因述巔末以為序

清乾隆十有七年歲次壬申知定
陶縣事滇棋雷宏宇題并書

續定陶縣志後序

志之所闕重矣脩之難繼前人而續
續之抑又難焉蓋風土景物幾經變
遷古今事蹟幾經轉移官師幾更沿
革幾秀而且忠孝節烈以及人文物
華日異而月不同於是而證前事增

序一

新聞學識未裕則余鄙貽訕存心未
平則偏私致請持議未公則污澱堪
羞况素見各殊物議易滋雖董狐操
筆勢不能每人而悅我陶志百年以
來屢議修而中輟或和職氏之由此
徵文考獻之君子所由臨文而嗟嘆

也幸逢我

邑侯雷公公明正直鑑空衡平於百務
供舉之餘慨然於邑志之久缺爰從
衆請捐俸首倡開館分局選邑紳士
緣舊志而續之諭以詳慎戒以偏頗
甚盛心也謂等奉命沒事惴惴惟不

序二

克負荷是懼乃檢閱舊志斟酌時宜
成憲可遵將循途而守轍後事宜增
必按名而稽實博洽非所敢言寸丹
是抱毀譽置之勿問直道而行窮日
教之互相參質每卷成伏候我

侯筆削轉呈

蘇州大人書

字

...

...

...

...

...

...

...

...

...

...

...

續定陶縣志後跋

縣志之闕有間幾百年矣百年之耳目難及抑亦傳聞難真且人情羨名則覬覦易生而好事又口舌易起誰是思慮譽之非直而訾人成德之不祥乎凡事類然豈惟邑志承

跋

尊者命不敢以衰憊辭而實無能爲役也纂修之勤討論之力同事諸子之功多余所不敢攘也掛名簡端殊滋愧耳

乾隆十有七年歲在壬申仲冬

邑後學劉珠謹跋

補刻定陶縣志跋

邑乘之刻所以紀山川之形勝地土
之肥饒風俗之盛衰人物之傑出
與夫一縣事之可觀可傳者臚陳
燦列以備輜軒之採以徵治理之
宜由來尚矣况是邑為陶唐肇

一

封之地昔范蠡以處天下之中而
定居其間靈秀所鍾為忠臣為
孝子為義夫節婦為碩士名儒
代有傳人指不勝屈嘉言懿行尤
不可無志以彰之健往昭來允異
人任詎可任其湮沒哉乃予客

捧檄來權宰是邦初下車索邑
志讀之不可得驚詢其故蓋自遭
兵燹後板已缺畧不完不禁太
息久之思將以救其敝奈予不
敏催科撫字方皇々多懼隕越
之不暇復以庖篆如久瓜代不時

二

弗克執簡操觚糾邑人士從而修
輯彌百年之缺圯一邑之觀良歎於
懷然既修之未遑使復不事補苴
謀仍其舊任瀕於廢而不顧將即
沒之君子慨然倡修而皮之不存毛將
焉傅徒令歎夫文獻并絕祀宗無

徵故實仄殊考校奚據為有心人
所憾則今日任斯土責者文章政
事之謂何亦不得告無咎矣爰函訪
求舊本東蒐西討旁及四鄉耆舊
之家斷簡殘編物色殆遍閱數月
始獲合而成帙遂命梓氏補刻如

三

初嗟乎是志自雷公宏宇續修以
來迄今百二十餘年矣滄桑未改
風景不殊星野雲疇雖然猶昔
而此百二十餘年中為忠臣為孝子
為義夫節婦為碩主名儒風烈之
未彰者又豈少哉迺繼修歷久無